

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HAZRAT MUHYI-UD-DIN AL-KHALIFATULLAH

Munir Ahmad Azim

10 Juillet 2015 ~
(23 Ramadan 1436 Hijri)

Ramadhan Mubarak !

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba lors:

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَى
وَالْفُرْقَانِ فَمَن شَهِدَ مِنْكُمُ الشَّهْرَ فَلْيَصُمْهُ .

Shahru Ramadaa-nallaziii 'unzila fiihil-Qur-'aanu hudal-linnaasi wa bayyinaatim minal-hudaa wal-furqaan. Faman-shahida min-kumush-Shahra fal-yasumh. (2: 186)

C'est dans mois Ramadan ki Quran fine descende pou guide l'humanité, en versets clairs, pou servi couma direction et la loi. Bane ki reste kot zot pendant sa mois là bizin jeûné (garde Roza).

QURAN ET LA NUIT DU DESTIN

Le Quran li ene véritable miracle ki Allah fine révélé au Saint Prophète, Hazrat Muhammad (saws) et li la parole parfaite d'Allah (twa). Li explique nous kot nous sorti et kot nous pé allé, et Li conduire nous lors le chemin d'ene la joie, d'ene extaze éternelle, c'est-à-dire, le paradis, mais en même temps aussi li mette nous en garde de l'enfer et de tous bane chemins ki pou abouti à l'enfer. Li (le Quran) ene moyen d'éducation, d'inspiration, de guérison physique, mentale et spirituelle, mais li malheureux pou dire ki la réalité c'est ki malgré ki nous pé contigné préserve le texte, nous fine perdi le sens du Quran et bane injonctions/commandements ki ena là-dans, à cause ki nous pas comprend li bien.

Pas ena moyen délivrance pour sa *Ummah* là, à moins ki nous révène vers le Livre d'Allah (le Quran). Malgré ki le Quran li ene guidance pour l'humanité, mais pas tous dimounes ki lire li, zot vraiment guidé, parski ene telle guidance fine réservé pour bane dimounes choisis (bane *Muttaqeen* – c'est-à-dire, bane ki ena la crainte d'Allah et ki préserve zot contre le mal), bane ki oulé marche sincèrement dans sa chemin éclairé par sa guidance ultime là. Non seulement le sens du Quran inspire bane dimounes de partout dans le monde, mais aussi bane mots du Quran tousél zot soulève ene la force magnétique et zot ena la capacité pou émouvoir même bane dimounes ki pas conne même ene sél mot arabe.

Nous bien-aimé prophète Hazrat Muhammad (saws) li ti meilleur dimoune ki Allah fine créer et Allah fine révèle le Quran dans so la langue maternelle même, et kot sa langue là aussi li la mère de tous bane langues, et alors ene telle Quran fine résisté l'épreuve du temps dépi plisse ki quatorze siècles et, en vérité aucaine les zot l'Écriture pas capave vante zot d'ene tel exploit. Bane la rivières change zot cour, bane royaumes arrive à zot sommet de gloire et ensuite tombé aussi, bane nations et zot langues disparaite et bane nouvo langues développé, mais pas le Quran. Bien sûr, sa préservation là c'est à cause promesse ki Allah fine faire dans Quran même, et Allah fine permette sa préservation miracle là à travers l'amour, dévouement et bane soins ki bane générations de bane musulmans fine démontré envers le Quran mais surtout Allah fine accompli sa travail là grâce à l'arrivée de temps en temps de So bane élus, bane messagers et bane réformateurs de l'islam ki vini pour faire respecter caractère sacré du Quran et pou présente li à bane lézot. Sak fois ki bane dimounes, surtout bane musulmans mal interprète le Quran ou sois zot ignorants de so véritable sens, Allah envoye So bane élus afin pou explique de façon claire So bane commandements, et afin ki bane dimounes pas capave dévier de so vraie signification. Malgré bane z'efforts de bane messagers d'Allah, bane réformateurs de l'islam, ena encore bane dimounes, surtout la majorité d'entre zot ki oublié bane explications originales de bane hommes de Dieu et alors sa bane dimounes là zot lire le Quran et comprend li dans ene façon ki faire plaisir à zot propre imagination.

Le mois de Ramadan li le mois ki le Quran fine révélé à nous à travers nous bien-aimé prophète et maître, Hazrat Muhammad (saws). Sa mois et jour spécifique ki représente le '*Laila-tul-Qadr*' (Nuit du Décret) pour toute l'*Ummah* zot en effet bien exceptionnels. C'est pendant sa la nuit là, ki bane anges et l'Esprit Saint (le *Ruh-il-Qouddous*), le chef de tous bane anges de révélations, Hazrat Jibril (as) fine vine au Prophète Choisi d'Allah (saws) afin pou transmette li bane messages d'Allah, parski Allah ti décrété ki le moment fine vini pou ki le code final de la vie et la religion parfaite d'Allah li révélé. Le Quran représente donc bane bénédictions d'Allah pour l'humanité en entier, et li fine révélé de manière à permette l'homme, en particulier bane dimounes doués d'intelligence (*Ulul-al Baab*) pou gagne bane détails à travers so lecture et ene profond analyse afin pou mette en exécution bane commandements d'Allah dans zot la vie de tous les jours.

Le Quran pas ene livre ordinaire. Nous pas capave zis prend li, et lire li couma péroquet comme-ci dirai nous pé lire bane les autres livres couma bane livres fictions ou sciences. L'identité du Quran li directement lié à celui d'Allah parski zot bane mots ou paroles parfaits d'Allah, ki ti envie établir So royaume dans tous les cœurs assoiffés de vraie source de vie, c'est-à-dire, Allah même. Grâce à Quran, Allah fine élève position de l'homme, et so création et Allah fine rende li (l'homme) supérieur à bane anges à condition ki li pas laisse li dominé par bane la forces sataniques. Ene fois ki sa danger là passé, ene nouvo lizour, ene nouvo l'aube pé attane croyant là parski dans l'obscurité de la nuit, li fine laisse soleil de la guidance d'Allah supprime sak boute l'obscurité de so l'existence. Ene tel dimoune intelligent, ki li missié ou madame li vraiment ena la chance kot li saizir l'occasion pou plonge li-même dans la volonté d'Allah.

Le mois de Ramadan de sa façon là fourni à sa croyant ki en quête d'Allah là pou vine encore pli près avec Li et pou récolter So satisfaction, pareil, et même plisse ki ene jardinier ou fermier ki extrêmement content après ene grand récolte ou la coupe ki fine fer avec succès.

Nous bizin respecté bane commandements Quran à sak respiration de nous l'existence. Là-dans ena tous bane guidances ki nous bizin pou atteindre Allah et pou gagne So plaisir, mais pareil couma ene étudiant de l'université, li pas pou comprend complètement so bane livres de classes si li pas gagne ene lecturer/professeur pou guide li pou gagne tous bane bons explications. De même, bane dimounes zot bizin ki, de temps en temps ene dimoune vine de la part d'Allah, et ki agir couma bane professeurs de l'école spirituelle de la vie et de la religion pour enseigne à bane dimounes couma pou gagne accès à Allah en implimentant dans bon façon ki bizin, tous bane commandements d'Allah. Allah Li très clément envers nous, et Li conné ki nous extra faibles, et alors ki nous capave tombe dans bane pièges de Satan et de so l'armée, mais Allah offert nous temps en temps, bane l'époques bénies, ki en fait zot ene extension de la Nuit du décret kot la vie d'ene croyant ou d'ene chercheur de vérité connecté à celui d'ene messenger d'Allah et alors sa dimoune là li laisse li reposé dans la lumière divine ki le *Ruh-il-Quddous* apporté au cours de sa période béni là, et li obtenir l'accès à Allah grâce à connexion et l'affinité ki li gagné avec le messenger d'Allah et par so bane *duahs* (la prières) et conseils.

Aujourd'hui, ou plutôt sa l'époque actuelle là li ene l'époque intense de '*Laila-tul-Qadr*'. L'obscurité partout. L'homme fine sombré dans l'immoralité et fine largue le Livre d'Allah (le Quran) et bane l'enseignements de tous bane prophètes et réformateurs d'Allah. Dans profondeur de sa l'obscurité là, Allah fine manifesté So la lumière de la vérité afin ki li (sa la lumière là) accepté pou prend avec li bane ki prêts pou gagne sa bénédiction là afin ki zot sorti de sa l'obscurité là et vine vers la lumière. Nouvo l'aube de la manifestation divine fine donc apparaite et alors félicitations à bane ki conné et ki vine de l'avant pou ki zot recevoir sa la lumière divine là et fer zot la vie en entier suivre sa la lumière là et gagne sa bénédiction là, et pou comprend le vrai sens ki sa veut dire vraiment, couma pou vivre pour la cause d'Allah. En vérité, pour sa bane dimounes là, ena bane épreuves féroces ki pé attane zot, mais en dernier lieu, sa bane épreuves là agir couma ene difé ki brûle tout zot l'obscurité intérieure (zot bane péchés

couma feuilles secs) et faire zot vine physiquement, moralement et spirituellement en mesure pou trouver et ressenti la divinité ki trouve en zot mêmes et ki vine du Messenger d'Allah de zot l'époque.

Ki Allah béni tous mo bane chers disciples, membres du Jamaat Ul Sahih Al Islam, ki comprend profondeur du message d'Allah et laisse le Quran faire partie de zot la vie, si bien ki zot vine bane « *personnifications du Quran* », suivant l'exemple de nous l'exemple parfait et le sceau de tous bane prophètes Hazrat Muhammad (saws), ki ti le meilleur homme ki Allah fine créer, et alors kan nous pou laisse le Quran faire partie intégrante de nous la vie, alors unifié en ene sel nation du Quran, nous pou ressenti bane bénédictions du «*Laila-tul-Qadr*» dans nous la vie de tous les jours. *Insha-Allah, Ameen.*